

四庫全書

史部

欽定四庫全書

史部
欽定大清一統志卷二百九十九至
三百一

主事_臣陳若霖覆校

總校官檢討_臣何思鈞

順

慶

齊

音

順慶府表

西漢

三國漢

晉

宋齊

梁

魏周

隋

唐代

宋

元

明

順慶府

已郡

南宕渠郡

宕渠郡

宕渠郡

開皇初屬大業初屬

郡

順慶府

順慶路

順慶府

南充縣

安漢縣

安漢縣

安漢縣

安漢縣

安漢縣

安漢縣

南充縣

南充縣

南充縣

南充縣

南充縣

屬巴郡初平初為郡治建安六年屬巴西郡

屬巴西郡郡治

開皇初更名屬巴西郡

州治

府治

府治洪武初徙治

武德四年置州屬山南西道大南道屬六年置州後復長壽郡置軍事

本屬州南充郡開縣置東川路後改府十年復曰順慶府二十年又升路屬四川行省

洪武初復為府屬四川布政使

欽定四庫全書

流溪縣

流溪縣

至元中為

一

州 蓬	縣 充 西	
<small>去漢縣地</small>	<small>去漢縣地</small>	
		漢初縣 <small>晉置為名 梁徐郡</small>
梓潼郡 <small>晉置</small>		新興郡 <small>置郡</small>
周廢		清居郡 <small>西魏更名</small>
		漢初縣 <small>西魏置郡 治</small>
	<small>南充縣地</small>	漢初縣 <small>屬涪州</small>
	西充縣 <small>武德四年 分南充置 屬涪州</small>	漢初縣 <small>屬涪州</small>
蓬州 <small>隋祐三年 徙治興寧 之雲山</small>	西充縣 <small>屬順慶府</small>	漢初縣 <small>屬涪州</small>
蓬州 <small>至元中移 治尋五蓬 州路後復 為州屬順 慶府</small>	西充縣 <small>屬順慶府</small>	至元中省
蓬州 <small>屬順慶府</small>	西充縣 <small>武德十年 省南充 十三年復 置屬順慶 府</small>	置屬涪州 <small>熙寧六年 省紹興二 十七年復 屬順慶府</small>

營山縣

唐縣地

欽定四庫全書

景陽郡	安固縣	相如縣	郡治
景陽郡	安固縣	相如縣	郡治
廢	安固縣	相如縣	屬巴屬
	良山縣	相如縣	屬果州
	良山縣	相如縣	屬果州
	營山縣	營山縣	屬漢州
	營山縣	營山縣	屬漢州
		營山縣	屬漢州

買縣

州治

屬清化郡

初為遂州

屬遂州

至元中省

置

大業初廢

復置遂州

屬漢州

置

武德元年

武德元年

武德元年

武德元年

武德元年

武德四年

武德四年

武德四年

武德四年

武德四年

武德五年

武德五年

武德五年

武德五年

武德五年

武德十三年

武德十三年

武德十三年

武德十三年

武德十三年

欽定四庫全書

江漢城

大官縣

郡
屬屬隆城

伏虞郡

置郡

宣漢縣

郡治

昌邑郡

大官縣

屬昌邑郡

廢

伏虞縣

郡
開皇中更名
名爲蒲花

郡

開元二十

九年改州

治金贊初

曰武安郡

至德中

更名爲上

南面道

蓮池縣

初爲州治

後屬

武德初移

治爲州

治屬

年更名後

省開元

年改置

伏虞縣

武德初徙

伏虞出

屬避州

治

郡

屬利

開元

三年

州

後廢

至元二十

年省入

隴

至元中省

三

大邑日軍司令部

<p>分屬巴西 漢建安 郡</p>	<p>宕渠縣 屬巴西郡後</p>	<p>渠縣 後漢建安 末北土置 宕渠郡 屬</p>	<p>渠縣</p>
	<p>宕渠縣</p>	<p>渠縣 屬</p>	<p>渠縣</p>
<p>郡地</p>	<p>宕渠縣 屬巴西郡 嘗為宕渠 郡</p>	<p>渠縣 屬</p>	<p>渠縣</p>
	<p>宕渠縣</p>	<p>渠縣</p>	<p>渠縣</p>
	<p>渠縣 州郡治而 不置縣</p>	<p>渠縣 屬</p>	<p>渠縣</p>
<p>郡治</p>	<p>流江縣 郡置州 郡治</p>	<p>渠縣 郡 魏改置州 置</p>	<p>渠縣</p>
	<p>流江縣</p>	<p>渠縣 郡 開置初廢</p>	<p>渠縣</p>
<p>流江縣 州治入賈 州治 城善二 縣武德元 年併置 渠州八年</p>	<p>流江縣</p>	<p>渠縣 郡 武德初復 置州屬上 南而通 路</p>	<p>渠縣</p>
	<p>流江縣</p>	<p>渠縣 郡 屬</p>	<p>渠縣</p>
<p>州治</p>	<p>流江縣</p>	<p>渠縣 屬順慶路</p>	<p>渠縣</p>
	<p>初置入州</p>	<p>渠縣 屬 降州為縣 屬廣安州</p>	<p>渠縣</p>

四

新明縣

屬唐書
開寶二年
武德初置
屬合州
唐李元
和後治
屬

和溪縣

屬唐書
開禧初置

水 鄰	大 竹 縣		
定縣地	定縣地		
鄰水縣	鄰州 州治	鄰州 置州	
鄰水縣	鄰山縣 郡治	鄰山郡 提改	
鄰水縣	省入鄰水	廢	
鄰水縣	武德元年 復置萬州 治屬廣深 川又有鹽 泉縣亦武 德初置屬 許州寄省	武德初復 置滿川入 年廢	大竹縣 大悅初置 至德二載 屬渠州實 歷中廢後 復
鄰水縣 乾德四年 移屬保寧	鄰山縣 乾德三年 移治廣深 州	至元二十 年省入大 竹	大竹縣 崇祐三年 省昭興三 年復
省入大竹		大竹縣 至元二十 年移縣 治	徙廢
成化元年 復置廣安	鄰水縣	洪武九年 改屬廣安 州	大竹縣

縣

大
子
子
子

置屬如州

屬耶山郡

屬宮澤郡

武德四年
屬濟州三
年改屬保
州實德初
省大中初
復

州

五

安州

欽定大清一統志卷一百九十九

順慶府

在四川省治東北六百二十里東西距四百七十里南北距二百里東至忠州梁山縣界

三百八十里西至潼川府蓬溪縣界九十里南至重慶府定遠縣界一百里北至保寧府南部縣界一百里東南至忠州墊江縣界三百三十里西南至蓬溪縣界九十里東北至保寧府巴州界二百七十里西北至潼川府鹽亭縣界一百二十里自府治至京師八千八百二十五里

分野天文井鬼分野鶉首之次

建置沿革禹貢梁州之域春秋為巴國地秦為巴郡

漢仍為巴郡安漢宕渠等縣地後漢建安中改屬

巴西郡晉因之劉宋於安漢置南宕渠郡齊因之

李吉甫元和郡縣志舊唐志諸書皆同而宋齊志仍兩屬巴西及北巴西郡後止曰宕

渠郡隋開皇初郡廢大業初屬巴西郡唐武德四

年分置果州天寶元年改南充郡乾元元年復曰

果州屬山南西道

元和志新唐志皆屬山南道舊唐志樂史太平寰宇記則屬劍

南道詳見保寧府

大厯六年更名充州十年復故五代屬

蜀置永寧軍節度宋本果州南充郡團練寶慶三

年升順慶府隸劍南東道

以理宗
潛邸故

元至元四年置

東川路後改東川府十五年復曰順慶府二十年
升為順慶路屬四川行省明洪武初復曰順慶府
屬四川布政使司

本朝因之屬四川省領州二縣八

南充縣

附郭東西距一百四十里南北距一百七
十里東至廣安州界五十里西至潼川府

蓬溪縣界九十里南至重慶府定遠縣界一百里

北至蓬州界七十里東南至岳池縣界五十里西

南至蓬溪界九十里東北至渠縣界九十里又西

北至西充縣界五十里漢置安漢縣屬巴郡後漢

初平元年劉璋移巴郡來治建安六年改屬巴西郡三國漢及晉因之劉宋改置南宕渠郡齊以後因之隋開皇初郡廢十八年改縣曰南充屬巴西郡唐武德四年於縣置果州宋因之南宋為順慶府治元為順慶路治明復西充縣在府西北八十里為順慶府治本朝因之西充縣在府西北八十里南北距一百一十里東至南充縣界三十五里西至潼川府射洪縣界六十五里南至潼川府遂溪縣界六十里北至保寧府南部縣界五十里東南至南充縣界四十里西南至蓬溪縣界四十里東北至南部縣界三十里西北至潼川府鹽亭縣界一百二十里漢安漢縣地隋南充縣地唐武德四年分置西充縣屬果州宋因之南宋屬順慶府元屬順慶路明屬順慶府本朝因之蓬州在府東北一百里東西距九十里南北距一百四十里東至營山縣界三十里西至南充縣界六十

里南至南充縣界九十里北至儀隴縣界五十里
東南至岳池縣界九十里西南至南充縣界六十
里東北至營山縣界三十里西北至保寧府南部
縣界五十里漢安漢縣地梁置相如縣兼置梓潼
郡西魏郡廢隋屬巴西郡唐武德四年分屬果州
宋因之寶祐六年改屬蓬州元至元十五年移蓬
州來治二十年立蓬州路後復為蓬州屬順慶府
明洪武初以州治相如縣省入屬順慶府 本朝
因之營山縣 在府城東北一百八十里東西距九十
十里西至蓬州界三十里南至渠縣界六十里北
至儀隴縣界七十里東南至渠縣界八十里西南
至蓬州界三十五里東北至蓬州界一百三十里
西北至儀隴縣界七十里漢巴郡宕渠縣地梁置
安固縣周天和中置蓬州隋大業初州廢屬清化
郡唐武德元年復於縣置蓬州四年又置朗池縣

屬果州開元二十九年移蓬州治蓬池改安固曰良山屬之寶慶元年又以朗池縣屬蓬州宋大中祥符五年改朗池曰營山元至元二十年省良山入營山仍屬蓬州明因之本朝屬順慶府儀

隴縣

在府東北二百三十里東西距一百三十里南北距一百三十里東至保寧府巴州界一

百里西至保寧府閬中縣界三十里南至營山縣界七十里北至巴州界六十里東南至營山縣界七十里西南至保寧府南部縣界四十五里東北至巴州界八十里西北至閬中縣界五十里漢巴郡閬中縣地梁天監元年置儀隴縣及隆城郡又置大寅縣隋開皇初郡廢以二縣屬巴西郡唐武德初屬蓬州開元二十九年移蓬州治大寅以儀隴屬之天寶初改州曰咸安郡至德二載又改為蓬山郡乾元初復曰蓬州屬山南西道廣德元年改大寅縣曰蓬池五代屬蜀山為蓬州咸安郡屬

利州路寶祐六年移州治相如縣以二縣屬之元
至元二十年併蓮池入儀隴仍屬蓮州明因之

本朝屬順慶府**廣安州**在府東南一百七十里東西距九
十五里南北距一百四十里東至大

竹縣界七十里西至岳池縣界二十里南至重慶
府合州界七十里北至渠縣界七十里東南至鄰

水縣界七十里西南至合州界一百三十里東北
至渠縣界七十里西南至營山縣界八十里漢巴

郡宕渠安漢墊江三縣地梁置始安縣屬北宕渠
郡隋開皇十八年改曰賓城屬宕渠郡唐武德

年復曰始安屬渠州天寶元年改曰渠江宋開寶
二年於縣置廣安軍屬梓州路咸安二年改曰西

寧軍元至元十五年軍廢二十年復升為廣安府
屬順慶路明洪武四年改廣安州以州治渠江縣

省入仍屬順慶**渠縣**在府東二百一十里東西距
府本朝因之**渠縣**一百一十里南北距一百四

十里東至大竹縣界五十里西至營山縣界六十里南至廣安州界四十里北至達州界一百里東南至鄰水縣界一百三十四里西南至岳池縣界有八十里東北至達州界一百二十里西北至營山縣界六十里漢置宕渠縣屬巴郡後漢因之建安中分屬巴西郡先主分置宕渠郡尋省延熙中又置郡九年省晉永興元年李雄復置郡東晉郡廢劉宋屬南宕渠郡齊因之梁置渠州及北宕渠郡後魏改置流江縣及流江郡隋開皇初郡廢大業初復曰宕渠郡唐武德元年復曰渠州天寶初改濟山郡乾元初復曰渠州屬山南西道五代屬蜀宋亦曰渠州瀋州屬潼川府路元曰渠州屬順慶路明洪武初以州治流江縣省入仍降州為渠縣屬廣安州本朝屬順慶府

大竹縣

在府東三百里東西距一百六十里南北距二百里東至忠州梁山縣界八十里西至廣安州界八

十里南至忠州墊江縣界一百里北至達州界一百里東南至墊江縣界八十里西南至鄰水縣界八十五里東北至達州新寧縣界八十里西北至渠縣界四十里漢宕渠縣地梁置潯山縣兼置鄰州後魏廢帝改曰潯山郡隋開皇初郡廢併縣入鄰水唐武德元年復置潯山縣又置潯州八年州廢縣屬渠州宋因之元至元二十年省入大竹仍移大竹縣來治明洪武初改屬廣安州本朝屬順慶

鄰水縣 在府東南二百七十里東南距一百里南北距一百五十里東至忠州墊江縣界六十里西至廣安州界四十里南至重慶府長壽縣界七十里北至大竹縣界八十里東南至長壽縣界八十里西南至重慶府巴縣界七十里東北至大竹縣界三十五里西北至廣安州界三十里漢宕渠縣地梁置鄰水縣屬鄰州後魏屬鄰山郡隋屬宕渠郡唐武德初屬潯州三年還屬

渠州寶曆元年省入潯山大中初復置宋因之元至元二十年省入大竹明成化二年復置屬廣安

州本朝屬順慶府岳池縣在府東南一百二十里東西距一百里南北距一百八十里東

至廣安州界四十里西至南充縣界六十里南至重慶府合州界九十里北至南充縣界九十里東

南至鄰水縣界一百二十里西南至重慶府定遠縣界六十里東北至渠縣界四十里西北至南充

縣界七十里漢安漢縣地唐為南充相如二縣地萬歲通天二年始安置岳池縣屬果州宋開寶二

年改屬廣安軍元屬廣安府明屬廣安州本朝自康熙七年併入廣安州六十年復置屬順慶府

形勢嘉陵大江襟帶於左金泉樓樂諸山雄峙於右

宋開漢志 邪屢衰夷溪水迤其西南羣峰矗於四望 馮宋

耘灌口廟記

依山為郡連接漢中

祝穆方輿勝覽

風俗實人剽勇銳氣喜舞

風俗通

當舟車往來之衝民

喜商賈而怠穡事

宋程涇社稷壇記

漢以忠義名節著唐

以神仙浮屠顯宋以文章學術名

宋開漢志

古稱忠義

之邦其民淳朴溫厚

明統志

城池順慶府城

周九里有奇門九明洪武初築成化開初甃碑本朝康熙初重修築

西

充縣城

周七里門四明天順中土築城化中甃石

蓬州城

周四里門四明弘治中築

營山縣城

周築五里門四明成化中土築正德中甃石

儀隴縣城

周一

里門四明
正德中築

廣安州城

周六里門四明
成化中石築

渠縣城

周三里

奇門四明成化中
土築正德中甃石

大竹縣城

周二里有奇門四
明成化初石築

鄰

水縣城

周四里門四明成化初削山累石
為之本朝康熙四十三年重修

岳池縣

城

周三里有奇門四明天
順中土築成化初甃石

學校順慶府學

在府治南三里宋慶厯中建本朝
康熙九年重修入學額數二十名

南充縣學

在縣治西北舊為果山書院明初改為
本朝康熙初重修入學額數十二

西充縣學

在縣治南門外宋淳祐
中建入學額數十二名蓬州學在州

宋淳祐間建於雲山元至正
中遷今所入學額數十二名

營山縣學

在縣治西
元至順中

建入學額
數十二名
儀隴縣學
在縣治北金城山
本朝康熙二十二年自縣南改建於

此入學額
數八名
廣安州學
在州治東舊在州西秀屏山
下宋嘉祐中建明初遷今所

入學額
數八名
渠縣學
在縣治西明萬曆二年遷建
朝康熙初重修入學額數十二名

大竹縣學
在縣治南宋嘉定中
建入學額數八名
鄰水縣學
在縣治東宋崇

寧中建入學
額數八名
岳池縣學
在縣治南宋太平興國中
建本朝康熙七年裁六

十年重建入
學額數八名
嘉陵書院
在府治北一里明萬曆間
知府饒景暉建又金泉書

院在府治西一里明大學士陳以勤建又嘉湖書
院明萬曆中知府督雲鶴南充知縣吳亮嗣築室

率諸生講藝又懋修書院
本朝乾隆九年建蓮
州有果山書院在州治南宋刺史王旦建明成化

中知州畢宗賢重修營山縣有朗池書院 本朝
雍正十二年建儀隴縣有金泉書院乾隆十六年
建廣安州有梁江書院雍正九年建鄰水縣有鄰
山書院乾隆十二年建岳池縣有鳳山書院乾隆
十年建各縣
並設有義學

戶口

原額人丁一萬二十四現在滋生人丁七十一
萬九千六百八十四戶一十四萬八千一百五

九十

田賦

田地三萬三千八百三十七頃九十七畝二分
四釐零額徵丁條糧銀七萬四千三百一十四

兩四分八釐零遇閏加徵銀二千
三百一十二兩四錢九分四釐

山川鶴鳴山

在南充縣東十里相傳謝自然昇仙
諸之日有鶴飛鳴於上旁有紫雲亭

葛山

在府城東四十里相傳諸葛亮駐兵於此陣跡猶存

請雨山

在南充縣東七十里

縣民嘗祈雨

金泉山

在南充縣西寰宇記唐貞元十年謝自然於謝界金泉紫

極宮白日上升輿地紀勝金泉山在縣城西果山之足上有青霞觀明統志金泉山下有金泉又有

寶臺山與金泉山相對舊志二山皆果山在南充在縣西二里上有石像宋李宏有詩

里舊唐書地理志果州因山為名寰宇記層峯秀起松栢生馬方輿勝覽晉時陳壽居此上多黃柑

宋邵伯樓樂山在南充縣西十里有樓樂池麓温有詩

亭縣志山頂有池清大方山在南充縣西王象之濁與大江漲涸相符

城十五里又有小方山距城十二里千峰萬嶺周迴繚繞疑若洞天有滴乳泉明統志在縣西三十

里山上有**朱鳳山**在南充縣南十里寰宇記周迴
神女泉 二十里昔有鳳凰集此因置鳳

山**清居山**在南充縣南三十五里輿地紀勝在南
觀 充縣南四十里有三峯下瞰四水有仙

洞明統志云上有白雲光相汲江五友四亭唐姚
昂詩天設兩峯南北峭地盤一水古今流宋淳祐

中以兵亂嘗徙府治于此元至元初建征南都元
帥府亦嘗治此山之龍筇埧又有金樓高與山等

亭亭如浮圖**大耽山**在南充縣南一百里輿地紀
常有光焰 勝流溪縣隋居士楊耽在此

修養冬居大耽山石窟中夏居小耽山絕頂明
統志大耽山在府城西一百里與小耽山相對**清**

泉山在南充縣北輿地紀勝距城**龍城山**在南充
十里有古剎下瞰龍門諸山 縣西南充

寰宇記在流溪縣東六十里與石梯**西充山**在西
山相連其形盤屈如龍絕壁如城 充縣

治東為一邑之勝舊志在城內西
北隅又有化鳳山在城內東隅
亞夫山 在西充縣東與

縣城相倚 孝廉山 在西充縣治東其西曰鳳
臺山山頂舊有文昌祠 鹿巖山 在西

充縣東八里 雙圖山 在西充縣東十里舊志
鹿溪出此 兩峰相對宛如圖畫 扶龍

山 在西充縣東二十里與地
紀勝在西充縣大陵鎮 南岷山 在西充縣南

距縣十五里有十三峯九
泉溪何岷隱其上因名 歲堂山 在西充縣南二

院為歲時禳祝之所因名 隱居山 在西充縣東北
有鳳儀山在縣南四十里 二十里明統志

上有清泉宮隋程太
虛隱居於此因名 回龍山 在西充縣北三十里

拱宸山 在西充縣北五十里
又北十里有紫崖山 瓊珠山 在西充縣西

蜒若瓊珠相連又有乾明鳳頭山在西充縣西北

山亦在縣西北四十里關縣界萬山攢伏中玉環山在蓬州城內北隅元

一峯孤聳因名也龍角山在蓬州東元和志

面諸山拱揖嘉陵江水環之故名下有玉環井步高三百丈從

朗池縣界西來宗覺山在蓬州西二十里元一統

下有嘉陵三合山在蓬州西五十里三峯鳳凰山

江水環之並起圍環相合因名在蓬州江南一里元統志其上三峯中一峯高峙

兩峯相接如鳳凰飛舞之狀林木清秀嘉陵江水從下而流舊志五馬山在蓬州北五里五壯山在

州北八十里獅子山在營山縣東三青羊山在營

為州主山十里以形似名

東五十里
上有石池
龍朗山
在營山縣東六十里
高聳特出
封竇山
在營山縣西三十里

十
雲山
在營山縣西接蓬州界即古披衣山也
窠宇記披衣山在朗池縣西南六十里
天將

雨山有雲霧馳曳如披衣然
山上有雲山寺元統志
雲山在營山縣西四十里
一名披衣山
其山高

險四壁崖絕
宋淳祐三年制置使余玠建岩柵移州治於此
印臺山
在營山縣南三百步

為縣學前
翠屏山
在營山縣南一里
太白山
在營山縣南一里
雲鳳

之文峯
山
在營山縣北一百里
勢高驀宛如
五星山
在營山縣

雲中飛鳳又集真山
在縣北八里
峯
在營山縣西南
芙蓉山
在

峭麗回環拱揖
營山
一里
產冬青蠟
山
在營山縣東北八里
峯
大蓬山
在營山縣東北隋書地理志安固縣有大蓬山

寰宇記大蓬山在良山縣東南三十里有小蓬山相去二里列仙傳葛由者蜀之羌人周武王時刻木為羊賣之一日乘木羊入蜀蜀中王侯貴人追上綏山隨之者皆得仙術山在安固縣東三十里輿地紀勝大蓬山在蓬州城東南七里相傳狀若海中蓬萊因名又小蓬山距州城七十五里一名秀立山又有透明巖亦名棲真岩在大蓬山前俯瞰縣郭天氣清明渠達諸山厯厯可數元統志大蓬山在廢良山縣南十里距營山縣八十里其山高險方圓四十里上起十二峯崖高數十丈松木秀茂下有仙人巖小蓬山在廢縣南十三里下有溪水環之明統志在營山縣東北七十里舊志大蓬山有朝隱洞空

衮山 在營山縣西北輿地記勝潤可容數百人 在州城正西十五里隸營山縣山頂有鳳凰院相傳以為鳳嘗棲其上中有風洞一穴下視如井有風冷然自下而上又有龍

馬槽石壁隱隱如龍鱗之狀
元統志山距營山縣五十里
金城山 在儀隴縣城內
寰宇記在

縣北上平下聳明統志以衆山環向如雉堞然故
名上有數石如貯米囊又名金粟山唐秀士何滔

舉義兵討賊於此至今其上有祠
舊志在城內北隅其東有佛龍洞
允家山 在儀隴縣東三

十里
斗子山 在儀隴縣東輿地紀勝在蓮池縣東北
三十里山勢方平如覆斗上有天生池

李持讀
書臺
靈星山 在儀隴縣東寰宇記在伏虞縣南
七里高千餘丈消水 sources 出此山北

頂山 在儀隴縣東寰宇記在伏虞
縣東四十里宣漢水出此
儀隴山 在儀隴縣西三

十里寰宇記山頂有石鐫儀隴二字俗謂之赤葛
山流江之水出焉元統志一名大儀山舊志山畔

有金堆洞
左有乳泉
南圖山 在儀隴縣
龍源山 在儀隴縣北
南二里
二十五里上

有石 **九龍山** 在儀隴縣北三十里有九峯狀若龍
泉 翔相近有石城山四壁峭立如城

鐵山 在儀隴縣北四十里 **大寅山** 在儀隴縣東南寅宇
十里山色如鐵 記梁大寅縣取邑西

大寅山 為名 **龍駁山** 在儀隴縣東南寅宇記有聖水源
出蓮池縣東北二十里龍駁山土

人浴蠶即 **龍章山** 在儀隴縣東南寅宇記在蓮池
倍有獲 縣東南三里四時常有花發與

地紀勝龍章山有東岩俯瞰大溪前眺歌陽安固
諸山歷歷可數為一郡登眺之勝 按元和志有

樂龍山在蓮池縣 **東華山** 在儀隴縣東南寅宇記
南三里即龍章也 在蓮池縣東三十五里

伏虞山 在儀隴縣東南元和志在伏虞縣東南六
十五里甚險夷獠被征即避入此山中與

地紀勝山 **高冠山** 在儀隴縣西南五十里昔
頂有龍湫 有鳳鳴其上又名鳳鳴山 **鼇山**

在儀隴縣西北三十里與地紀勝
水旁突出一山嶙峋若鼉因名
穀城山 在廣安州東六

十里山高峻以能興
雲雨潤五穀為名
秀屏山 在廣安州西與地紀勝峭壁森聳草木蔽

茂宛若屏障舊志
今在州西二里
望子山 在廣安州西與地紀勝
即秀屏山來岡相傳漢

將軍馮緄之子修煉一日辭父母去以來晨
白鶴飛翔為侯緄登此山望之果然因名
蛇龍

山 在廣安州南窠宇記
在新明縣東六十里
諫坡山 在廣安州北五里
與地紀勝舊名車

婆涯有正言張
廷堅故居因名
富靈山 在廣安州東南窠宇記在
渠江縣東南七十里峻峭

多藥物靈
仙所居也
白鶴山 在廣安州西南窠宇記
在新明縣西南一百里
福壽山

在渠縣
城內
宕渠山 在渠縣東窠宇記宕渠山一名大
青山在流江縣東五十八里與地

紀勝圖經云在渠州東五十里其山東西兩門延
連相按山間長狹有似溝渠明統志宕梁山又名

花果園其山崇峻險不可入禮義山在渠縣東明統
志宋賈祐中渠

州嘗徙治於此舊志山在縣東南六十里上有
城址宋將胡榮率州人拒元軍死之因為名玉蟾

山在渠縣西三里峯巒翠聳形如新月並峙者曰寶珠峯
龍驤山在渠縣北

志宕渠縣符特山在西南寰宇記今流江縣有龍
驤山蓋古符特山也輿地紀勝圖經云在大竹縣

南三十里舊志樂山在渠縣北三十二里輿地紀
在今縣北一里勝每歲正月七日鄉人攜鼓

笛酒食登此娛樂以祈蠶事綠沼山在渠縣北四十五里輿地
紀勝自關果連延至此上

有池水八濛山在渠縣東北蜀志建安二十年張
常綠八濛山在渠縣東北蜀志建安二十年張

竹縣東南一百里接忠州梁山獅子山在大竹縣

縣界山有大石凡七聳立如碑
里東流
金盤山在大竹縣東北與地紀勝在鄰山
溪出此
縣北五十里有龍穴舊志在今縣

東北一百里仙門里亦名仙
寶穀山在鄰水縣
東四十里
五

門山峯巒高聳巖石奇勝
華山在鄰水縣東五十里
上有五峯秀色如華
海寶山在鄰水縣
西四十里
天馬

山在鄰水縣南二
晶然山在鄰水縣南二十七里
與地紀勝自宕渠山連

延至此山東有崖下有石乳三條呼為石鐘村民
擊之以禱雨西有高崖白色舊名白崖真宗閱圖

經改名
按明統志在大竹縣南
黃陵山在鄰水
縣南五

三百二十里亦即鄰水東南界也
龍虎山在鄰水縣南六十里巉
有泉不盈不竭
巖聳峙如龍虎之相持

相近有龍潭峽四
山連峽下有龍潭
崑樓山 在鄰水縣北山巖疊峙
勢如樓觀宋崑樓鎮以

此名
岳安山 在岳池縣東三十里按寰宇記高六百
丈岳池水出馬上有音聲鳥舊志有雀

山在縣東三十里與岳安
山相對八峰三十六峯
姜山 在岳池縣東八十里與地紀勝
雲山鎮外五里許山神極靈明

統志在縣東二十里
姜維嘗屯兵於此
石龜山 在岳池縣西二
里形如狀龜
大龍

山 在岳池縣西十里蜿蜒盤曲又西
五里有虎頭山以巉巖險峻而名
速山 在

池縣東四十里唐書地理志
岳池縣有龍扶連山即此
老君山 在岳池縣

西輿地紀勝在岳池縣西二十里明統志在縣北
八十里相傳唐天祐間有人乘白鶴至此化為石

又名白鶴山因即其地
建道宮大斗溪出此
翔鳳山 在岳池縣北一里
山有三峯如鳳之

翔龍穴山

在岳池縣北與地紀勝封山在岳池縣北五里山秀峯高有龍穴在山半巖石

中一名龍穴山有

羊山

在岳池縣北與地紀勝山下十里有洞曰角竹元

唐何少卿讀書臺

豐間張廷堅讀書其中明統

通山

在岳池縣北二十里與地紀勝

志在縣北三十里峯巒秀異

在縣東南三十里最高

肖巖

在西充縣西與地紀勝在縣小陵鎮東有

石巖高十餘丈岩竇空洞泉水

清潔又按明統志作清虛巖

西巖

在營山縣西

虹飲巖

在渠縣西與地紀勝有聖泉在州西七十步石巖下水自巖石中出不竭嘗有虹飲

馬因築亭其上名虹飲亭明統志巖上有滴水下有石白大如盃孟盛之日出時每有虹影映巖下

因書巖

在鄰水縣西二十里相傳唐龍潭峽在大杜甫寓居於此又名少陵巖

南六十里 **卧龍坡** 在郿水縣東北三十五里相傳諸葛亮嘗經此 **龍潭洞** 在西充縣

西五十里又名土主 **琴洞** 在西充縣北二十里 **孔** 洞穴通秋埡龍井 人履其中聲响如琴

雀洞 在營山縣東北與地紀勝在良山縣東十五里上有石壁峭絕如削舊志在今縣東北

百二十里洞門如圭竇其中宏敞左右 **佛龍洞** 儀 有石床洞畫處有石孔雀水出喙中

隴縣西金城山明萬應閣傾塌見一洞內有生 石佛上有佛龍洞三字中可容四十五人上下懸

崖絕壁各 **老君洞** 在郿水縣東南六十里老君山 數十丈 下其水冬溫夏涼又白磁洞在

縣南六十里石洞 **關門石** 在郿水縣南四里兩溪 如屋雲氣垂白 夾合石壁如削下有土

洲洲中大 **嘉陵江** 在保寧府南部縣流入經蓬州 石壁立 及南充縣東又南入重慶府定

遠縣界寰宇記嘉陵江在果州東二百步自相如
縣流入南充界南流至合州漢初縣界元統志蓮
州東江岸上有石門石甯橫截江心長約百丈舊
志自南部縣東南流入蓬州境五十里至州城東
折而西南流六十里至南充縣界又六十里至
州城東又南一百十里復折東南入定遠縣界渠
江自蓬州流入經渠縣東又西南徑廣安州東又
西南入重慶府合州界水經注北水與南水合
又東南徑宕渠縣謂之宕渠水又東南入漢寰宇
記宕渠水一名渝水在流江縣東二里又渠江縣
南八十步又西入合州新明縣界輿地紀勝渠江
在流江縣東三百步其水二源一出巴嶺一出羅
吳山至永睦縣合流入流江縣界又廣安軍城下
蹴渠水縈迴為潭狶曰清洄又有篆水去縣五里
有石洲如伏龜水之灌輸其間者渴停渠別莫知
其幾中兩渠相距二尺廣深半之可受流觴人多

遊馬舊志巴達二水自三會鎮合流為渠江徑宕渠山下合潛水又至渠縣東北合流江水又徑縣南三里中有銅魚洲其下有磧石狀如黃魚亦名銅魚磧又南磧廣安州界江中灘石縱橫湍流奔急共有三十六灘至州東北則石磧平坦波紋如篆故又名為篆水舊志渠江二派自達州入渠縣境合流又一百五十里至縣治東轉西南一百五十里達廣安州界又一百四十里至州城東又一百九十里至合州界按漢書地理志宕渠縣潛水西南入江不曹水出東北南入瀟徐谷所謂潛水即今渠江郪道元亦云宕渠水即潛水是也波乃於潛水篇曲為之說云潛水蓋即漢水支分潛出故受其稱今縣有大穴潛水入馬通岡山下西南潛出謂之伏水或以為古之潛水其說雖與郭璞畧同然璞本謂大穴在梓潼漢水去宕渠絕遠今渠江合巴達二州之水並非漢水支分其地亦無

所謂大穴通岡山下者其不足信可知明
流江自儀隴縣

統志遂謂潛水在渠縣東五十里誤

西北發源南流經營山縣東又東南至渠縣東入

渠江寰宇記流江水出儀隴縣西儀隴山自縣界

東流經蓮池縣理北亦名驗江水又東南流經良

山縣西南二十一里又東南流經蓮山縣南一百

步又東南入渠州流江縣界輿地紀勝大流江在

流江縣北五里自蓬山縣來又有小流江在縣南二

十里自相如縣來絕險高百餘文俗號高灘舊志

流江源出儀隴縣北二十里龍源山東南流八十

里合平溪入營山縣界又七十里經縣東去縣五

十里又東南入渠縣界流百里許至縣城東入渠

江按明統志有七曲匯在營山縣東六十里水

流縈迴七曲兩岸崖石懸絕飛湍噴沫若烟霧騰

湧蓋即流水下西溪水源出西充縣東流至南充

流即今七曲堰西溪水縣西南入嘉陵江寰宇記

西溪水在西充縣西源出崇禮市山與地紀勝在縣東四十步又有東溪舊志今有陵溪在西充縣西三十里小陵鎮亦名小陵河又有象溪在縣北四里虹溪在縣治東俱至三河口合流縈繞學官前即為泮池順流至南充縣入江即西溪也又有鹿溪在西充縣東二十五里源出鹿岩山下即東溪也亦流合馬按輿圖名蠻子河自西充縣東北發源西南流經縣東又折東南至府城南入江

流溪水

在南充縣西南竄宇記在流溪縣東北四十步源出遂州方義縣界下至當州北流

向東逸逕入嘉陵江明統志在府城西八十里平流三十里無灘因名舊志流溪源出大耽山流八十里至縣南入江古方義今為曲水在南充縣西遂寧地並無流入縣境之水

出琉璃鎮盤迴曲折東流八十里入青溪水在營嘉陵江按舊志謂與西溪合流誤

西南流入蓬州界寰宇記披衣山有青溪水出馬
元統志在營山縣西南五十里源出披衣山地名
石洞下至相如縣瑞興鎮入嘉陵江舊志今有藍
溪在營山縣西二十里源出衮山南流四十里入
蓬州界名清淡河又四十里
至州南清溪口入嘉陵江
消水 在儀隴營山二
縣界寰宇記消
水源出伏虞縣靈星山北東南流經良山縣東二
里又東南經廢宕渠縣西十里又西南經蓬山縣
東十五里又南流注流江水 按此水今無考與
圖營山縣北有一小水東入流江源流甚微亦與
寰宇記
平溪水 在儀隴縣東北十里與地紀勝水
不合 出平源故名元統志平溪水自本
縣青山發源下流接渠州流江舊志源出儀隴縣
東三十里允家山南流五十里入流江曰合水口
鼇水 在儀隴縣西北三十里寰宇記出鼇池元統
志有水一潭方圓濶五里舊志在縣北三十

里流江

宣漢水

在儀隴縣東南流入營山縣界

溪中經舊縣南七里又

濃水

在廣安州西與地紀勝在

東流入梁山縣界

岳安縣東北出龍扶連山

東流入渠江府志濃水即西溪水源出州北一百

二十里蓮州之綿壩分為二派南至椽樹壩合流

至城南五里東折入渠江

清溪水

在廣安州南與地紀勝任新明

以水色常濁故名濃水

縣東五十里源出鄰水縣界西流入渠江按與

圖今州東南鄰水縣西界有仙成河二源並尊合

流而西左會天池河至州

岳池水

在岳池縣東寰宇記蒙溪水在

南入渠江即清溪水也

岳池縣西北五十里源出岳安山東流至固鎮縣

西本是思岳池因以名縣馬僭志岳池水源出姜

山流三十五里至岳池縣城東轉南台靈溪龍穴

二水至定遠縣界入嘉陵江又靈溪水源出禹山

南流經縣西龍穴水源出龍穴山南流經縣東俱
入岳池水按圖經今縣東西各有一水至縣南

合流東即岳池西即靈溪也岳安山在縣東水源
出此不應在縣西北且亦非東流寰宇記有訛

鄰水 自大竹縣西發源西南流迳鄰水縣東又西
南入重慶府長壽縣界寰宇記鄰水源出鄰

水縣東北鄰山南流經縣東二十六里又南流中
有大磧懸流十大奔急若驚湍電瀉輿地紀勝鄰

水有二大鄰水出鄰山頂上西南流經鄰水縣入
恭州巴縣界小鄰水亦出山頂西流屈曲一百五

十里入大鄰水舊志源出大竹縣西山西南流五
十里入鄰水縣界名曰東溪又西南五十里經縣

東三十里又西南一百 **仙門水** 在大竹縣南與地
里入長壽縣界名玉溪

北五十里源出金盤山流下龍穴入龍門鎮市崖
下有瀑布一百八十六丈俗號散水舊志流為大

洪溪至鄰水縣界入鄰水按輿圖今大竹縣東有寶石河自月城山東發源西南流經鄰水縣東

至長壽縣西北界入鄰水即仙門水也清水溪在南充縣東源出請雨

東北入嘉陵江大斗溪在南充縣東南源出岳池縣居民藉以溉田老君山西流入嘉陵江

旁有石如海棠溪在西充縣東明統志西充縣有斗故名海棠溪海棠川環繞縣治內多海棠因

名舊志海棠川小溪源出雙圍山流十五里轉南又一百二十里至南充縣界入江

在營山縣西源出西岩繞城東南白水溪在渠縣下流五十里至七曲堰入流江東三十

里源出縣東白水東流溪在大竹縣北舊志源出洞西流入渠江柳子山西流七十里至

渠縣界入渠江按輿圖今縣北有竹溪河源出縣西九盤山東流會二小水至縣東北界有清溪

河源自縣東月城山北流合馬自下統名清溪河
所謂東流溪當即此也舊志與圖不合疑誤也

龍湫

在渠縣東四十里有瀑布數十自天生池營
絕頂挂洞口下為龍湫禱雨輒應

山縣西寰宇記披衣山雲山寺中有池去嘉陵江

三十里江水或淺其池亦淺江水或漲其池亦漲

號天

耀池

在儀隴縣東南與地紀
勝在蓮池縣東南七里

將軍池

在岳池縣東五

里相傳諸葛亮

絲經池

寰宇記在鄰水縣東南八十里

鴛鴦池

在鄰

水縣東北七十里

方圓數

梳栢池

在鄰水縣西南

十丈時有鴛鴦遊泳於池

滴乳泉

在南充縣西二十里府志昔有遊

賞處

葉宋樊汝賢詩雲液落山腹脈與玉泉
在蓮池縣
崑崙通云何山下叟八十桃顏紅

里其泉湧出
狀如瀆玉
甘泉
在廣安州治南井中有三穴中
一穴泉極甘大旱不竭又有石

泉在州東北二十里
源出石崖清冷
昆井
在南充縣寰宇記益州
記云南充縣西六十里

有昆井即
古之鹽井
火井
在儀隴縣南寰宇記在蓬池縣西
南三十里水涸之時以火投其中

缺從地中出可以禦寒移時方
圓若掘深一二尺頗有水出
鹽井
南充西充蓬
州大竹四州

縣皆有王存九域志鄰山縣有卧牛一鹽井通志
今南充縣有中井六眼中下井六眼下井三眼西

充縣有上井十眼中井八眼
下井八眼蓬州有中井一眼

欽定大清一統志卷二百九十九

欽定四庫全書

欽定大清一統志卷三百

順慶府

二

古蹟安漢故城

在南充縣北漢置常璩華陽國志初平元年征東中郎將安漢趙穎建議

分巴為二郡穎破得巴舊名故白之益州牧劉璋以墊江以上為巴郡治安漢建安六年改為巴西郡

徙治閬中隋書地理志巴西郡南充舊曰安漢置宕渠郡開皇初郡廢十八年縣改名焉舊唐書地

理志宋於安漢故城置南宕渠郡隋改安漢為南充寰宇記後魏平蜀於今州北三十七里石苟壩

置南宕渠郡其縣亦移就郡理隋廢郡仍移縣理安漢城改為南充縣以古充國縣為名舊志舊郡

治在今城北五里北津渡明洪武初徙今治
按明統志安漢城在府城北三十五里又宕渠城在
府城北四十里即石苟壩又有充國城
儀隴故城在府南三十五里其說舛錯恐皆誤

在今儀隴縣北樂史太平寰宇記儀隴縣在蓬州
西北六十里本漢閬中縣地梁天監元年於此置

隆城郡及儀隴縣因隴城山為名隋開皇三年郡
廢以縣屬蓬州唐武德二年割屬方州八年廢方

州復屬蓬州縣城原在金城山頂四面懸絕石壁
高八丈周迴五里惟西南稍通人馬開元二十

六年移於山下平溪即今理也王存九域志縣在
彭州西北九十里元統志自蜀多難此縣人民隨

州徙於雲山城保聚元初復還舊志縣至蓬州一
百五十里東至永睦縣西至閬中縣南至營山縣

東南至小寧州皆一百五十里西南至南部
宕渠縣一百三十里東北至曾口縣一百一十里

故城

在渠縣東北漢置華陽國志宕渠郡延熙中置九年省晉永興元年李雄復置今遂為縣

寰宇記漢宕渠郡即今沅江縣東北七十里故城是也其城後漢車騎將軍馮緄增修俗名車騎城李壽亂後地為諸獠所侵郡縣悉廢宋末又有漢宕渠移民安漢故城舊志按宋郡治安漢曰南宕渠者以安漢在宕渠之西南也尋又於墊江置郡曰東宕渠者以墊江在安漢之東南也梁復於故宕渠地置郡曰北宕渠者以故宕渠在安漢墊江之東北也又有西宕渠在射洪通泉為故廣漢縣地在安漢之西隋志有宕渠縣在鄰山故城在大今營山縣界乃梁置亦漢故縣也

鄰山故城

在大竹縣

東南寰宇記縣在渠州東南一百里本漢宕渠縣地自晉至齊並為夷獠所據渠大同三年於此置鄰州及鄰山縣後魏廢帝改為鄰山郡以山為名至隋初郡廢併縣入鄰水唐武德元年分置鄰山

縣又置邠州八年廢州縣屬渠州縣城南西北三面有地迴繞東阻涅水甚險固俗號為金城東史地理志邠山縣乾德三年移治故邠州城元史地理志至元二十年併隣山入大竹按隋志襄宇記九域志皆作鄰山邠水故城在今邠水縣北襄新舊唐志皆作隣山

南一百三十里漢宕渠縣地梁大同三年置邠州因山水以名之寄理州城隋開皇三年自州城移於岳池溪今縣北九里是故城也唐武德二年自故城移於今理寶曆中山南西道節度使裴度奏廢之大中初又改置輿地紀勝乾德四年移縣治崑樓鎮在州東南一百五十里按九域志縣有邠水鎮蓋漢初廢縣在南充縣南隋書地理志涪即故縣也漢初廢縣陵郡漢初梁置新興郡西魏改郡曰清居名縣曰漢初開皇初郡廢李吉甫元和郡縣志縣東南至合州一百九十四里本漢墊

江縣地後魏於此置漢初縣屬合州寰宇記梁大同中於此立新興郡後魏恭帝三年於今縣西北六十里置清居郡及清居縣以地勢與瑤故曰清居隋初郡廢改縣為漢初屬合州十六年有故郡城移於今理自唐迄今不改元史地理志至元三十年併漢初入南充按諸書皆云魏置清居隋改漢初而齊書州郡志東宕渠獠郡領漢初縣蓋齊時已有此縣隋復舊名也流溪廢縣在南充縣西南唐置屬果州舊唐書地理志開耀元年析南充於流溪水側置寰宇記在州西南八十五里宋史地理志熙寧六年省流溪縣為鎮八南充紹興二十七年復為縣元史地理志至元二十年併流溪相如故縣今蓬州治隋書地理志已舊縣入南充相如故縣西郡相如縣梁置梓潼郡後魏郡廢舊唐書地理志本漢安漢縣地寰宇記縣在果州東八十五里梁天監六年置即漢司馬

相如所居之地因以縣名元統志宋淳祐三年四
川制置使余玠以相如縣接近蓬州營山縣界旁
有雲山近去嘉陵江十有五里其山崇峻乃營立
砦棚俾縣民附入雲山保聚寶祐六年郡守張大
悅以城歸附遂以相如縣撥屬蓬州至元十五年
蜀定今毀雲山砦復以軍民還舊理然此州從昔
依山為治距相如縣嘉陵江一百餘里不當水陸
舟車之會乃徙州於此為理所建宣撫征南都元
帥府並蓬州總管軍民府二十年並廢按周隋
蓬州在今營山界唐宋蓬州在今儀龍界元時始
治相如前後良山廢縣在營山縣東北本漢宕渠
凡三徙也

名恒陵梁始置安固縣後周置蓬州於此後周書
梁州所管地名恒陵者方數百里並生獠所居時
其險固常懷不軌天和三年獠叛總管長史趙文
表討平之除文表為蓬州刺史隋書地理志清化

郡安固縣梁置後周置蓬州大業初州廢寰宇記
良山縣在蓬州東七十二里梁大同元年分宕渠
縣地置安固縣取安靜永固為名屬伏虞郡隋開
皇三年罷郡以縣屬蓬州大業中州併入宕渠唐
武德元年於縣理置蓬州開元二十九年州有此
移理蓬池縣改安固縣為良山縣元和中又廢大
中中又置宋史地理志熙寧五年省良山縣為鎮
入伏虞建炎二年復置元史地理志至元十二年
併入營山舊志營山故城
宕渠廢縣 在營山縣東北
在今縣東北有八十里 漢縣在今渠縣
界梁改置於此隋書地理志宕渠郡宕渠縣梁置
並置景陽郡開皇初郡廢舊唐書地理志縣舊治
長樂山長安三年移治羅獲水寰宇記廢宕渠縣
在蓬州東一百里梁大業元年於此置景陽郡及
宕渠縣因縣界山為名唐寶曆元年併入
蓬山大中中又置宋乾德三年併入良山 蓬山廢

縣

在營山縣東隋書地理志宕渠郡咸安縣梁置曰綏安開皇未改名寰宇志縣在蓬州東南九

十里漢宕渠縣地梁大同中於此置綏安縣屬景陽郡隋開皇三年罷郡以縣屬蓬州十八年改為

咸安縣唐至德二載改為蓬山縣以縣界內山為名宋史地理志熙寧三年省蓬山縣為鎮入營山

朗池故縣

在營山縣北寰宇記朗池縣在蓬州南三十五里本漢宕渠縣地唐武德四年

劍南道大使竇胤元年租庸使徐演奏自果州到屬蓬池為名竇胤元年租庸使徐演奏自果州到屬蓬

州大歷五年遭賊焚燒自後權置行縣未立城壁貞元元年移於營山敬馬館為理即今縣也唐書

地理志朗池縣寶曆元年省開成二年復置九域志大中祥符五年改曰營山在蓬州南六十里元

統志宋淳祐三年余玠移縣治雲山至元十五年蜀定復還舊治西至相如縣五十里明統志在蓬

州東六十里 按通典新唐志九域志元統志皆作朗池而舊唐志寰宇記作即池未知孰是

池廢縣

在儀隴縣東南隋書地理志巴西郡大寅縣置唐書地理志蓬州武德元年以巴

州之安固伏虞隴州之儀隴太寅渠州之宕渠咸安置開元二十九年徙治大寅廣德元年更大寅

名蓬池後省開成元年復置舊唐書地理志縣舊治斗子山後移治關壇口寰宇記蓬州東至蓬州

三百二十里南至渠州一百九十里西至閬州二百里北至巴州二十里治蓬池縣本漢閬中縣

地梁天監元年分置大寅縣取大寅山為名元統志宋淳祐三年制置使余玠以蓬州舊治經兵革

荒廢移治于營山縣界雲山上以蓬池屬之至元二十年併入儀隴舊志蓬池故城在今儀隴縣東

南六十里伏虞廢縣 在儀隴縣東隋書地理志清化郡伏虞縣梁置曰宣漢又置伏虞郡

開皇初即廢十八年改馬寰宇記縣在蓬州東北六十里本漢宕渠縣地梁大同中於今縣東三十

里置宣漢縣屬義安郡隋置蓬州改為伏虞縣以界內伏虞山為名大業三年屬清化郡武德元年

復屬蓬州移理於山頂開元末百姓請去險就平遂西南移於消水側今縣是也元史地理志至元

二十年併伏虞入儀隴舊志渠江廢縣在廣安州廢縣在儀隴縣東八十里北寰宇記

廣安軍西至果州二百里西南至合州二百里治渠江縣本漢宕渠縣地後漢又為賓城縣今縣北

十二里有古廢賓城一名始安城梁普通三年於此置始安縣屬北宕渠郡隋開皇三年罷郡以縣

屬渠州十八年改為賓城縣大業元年自故城移於今一南臨渠水東枕大溪唐武德元年復改為

始安縣至德二載又改為渠江縣乾德六年以合果渠三州相去路遠山川險阻多聚寇盜遂以合

州濃河鎮渠州新明鎮地置廣安軍仍割渠江新
明岳池三縣以成之從轉運使劉仁燧之請也王
象之與地紀勝軍治秀屏山下宋史地理志淳祐
三年城大良城為軍治所舊志大良城在州東北
六十里其地石崇四絕天然險固即濃河鎮也元
至元中始還舊治明初始省縣入州其隋唐故縣
在今州北五里按後漢無賓城縣新舊唐志皆
云天寶元年改名渠江襄宇記則謂至德二載又
九域志宋志皆云開寶二年置豐樂廢縣在廣安
軍襄宇記作乾德六年多不同

岳池故縣在今岳池縣西
唐武德元年分渠江縣置屬渠州八年仍省

志果州岳池縣萬歲通天二年分南充相如二縣
置初治思岳池開元二十年移治今所襄宇記在
廣安軍西北一百二十五里明統志在廣安州西六
十里舊志舊治伏江里洪武初徙治翔鳳山南

新明廢縣

在岳池縣南唐置屬合州元和志縣西南至合州一百二十里本漢墊江縣地

後魏迄隋為石鏡縣地武德二年分石鏡之東北界為新明縣寰宇記縣在廣安軍西六十里唐分

石鏡之東北界於渠水中崇城洲上為新明縣以新被明化為梅聖歷三年刺史張東之以舊縣多

水害奏移於嘉陵江西岸北連靈巖山即今縣理是也乾德六年割隸廣安軍宋史地理志開寶六

年移治單溪鎮元史地理志至元後併新明入岳治舊志廢縣在岳池縣南二十里其唐故縣在岳

池南七和溪廢縣在岳池縣西宋置九域志新明十里有和溪鎮輿地紀勝開禧三

年太平閭伯敏奏乞陞鎮為縣屬廣安州縣在軍西南九十里府志和溪故縣在岳池縣西二十里

元省入沅江廢縣今渠縣治寰宇記渠州西至果岳池

百九十里梁普通三年於漢宕渠縣西南七十里置北宕渠郡即今州是大同三年於郡理置渠州後魏文帝十三年其地內屬仍為渠州領北宕渠郡後周武成元年改北宕渠為流江郡仍於縣置置流江縣

大竹故城

在渠縣北寰宇記縣在渠州北六十里漢宕渠縣地

後為流江縣地唐久視元年分今宕渠縣東界置屬蓬州以邑界多產大竹為名至德二年割屬渠

州寶曆中與鄰永縣同廢其後又置宋史地理志景祐三年廢大竹縣入流江紹興二年復置舊志

元至元中併鄰山入大竹縣仍移大竹縣治於隣山縣界即今縣也故縣城自此遂廢

鹽泉

廢縣

在大竹縣南唐武德元年分濟水置屬濟州尋省舊志蓋因鹽井為名

梓潼城

在蓬州西南與地紀勝在相如縣西南二十七里

寶城

在渠縣東北華陽國志長老言宕渠

蓋為故甯國今有甯城寰宇記故甯國城在沅江
縣東北七十四里古甯國都也舊唐書地理志武

德元年分置甯城縣屬渠州八年省明統志廢甯
城縣在大竹縣北按隋志有甯城縣在今廣安州

非榮城在大竹縣東北仙門里四面險峻
高阜寬平宋未保此以禦元兵木門故

鎮在大竹縣治舊志唐宋大竹縣在今縣北鳳來
鄉入渠縣界元至元二十年移治廢鄰山縣之

本門鎮即今治縣東門城內有二小岡地雖相連
而土色則別上有兩木對生交合如關即木門遺

址鳳來里在渠縣東北一百里接大竹縣
界相傳後周時鳳凰來集於此芝蘭莊

在儀隴縣東南輿地紀勝在蓬州城西一里孟蜀
時有王先生者年幾百歲蜀主召至欲糜以爵不

可遂告歸賜所居田數頃紀信故宅在南充縣
為遊息地號曰芝蘭莊

東三十里司

馬相如故宅

在蓬州南寰宇紀在相如縣南二十里羅洪光周地圖記云其地有相如

坪相傳云相如別業在此宅右西濱漢水葭薄鬱然其基名相如琴臺高六尺周四十四步元統志

又有洗筆池卓劄水譙周故宅在南充縣北五里袁天綱故

宅

在南充縣西金泉山

開漢樓

在府城南與地紀勝郡守楊濟開漢樓記云聖朝褒封紀

信有實開漢室之語余摘二字以名是樓明統志名安漢樓

北津樓

在南充縣北五里道

又張三丰詩誰喚吾來蜀內遊北津樓勝岳陽樓煙連沙岸漁歌起水照江城夜月收萬里清波朝

夕湧千層白塔古今浮北懷無限登臨處始識南游第一州

仙鶴樓

在郡城後子城上與

地紀勝下瞰大江實為郡治亭臺之冠宋卽伯溫詩春去春來好風月鶴樓端勝庾公樓梯雲

樓

在西充縣治西

御書樓

在營山縣東六十里

秀屏樓

在廣安州治西宋建以州

有秀屏山因名

會仙樓

在廣安州輿地紀勝在廣安軍市中

宸繡樓

在鄰水縣西六

十里宋嘉定中為制置使安丙建

清暉閣

在南充縣北輿地紀勝俯瞰大江其景清絕

霄漢閣

在廣安州治西明統志有唐顏真卿書霄漢閣三字石刻尚存

蓬萊堂

在

州治輿地紀勝堂有兩翼室左為魯公祠像居中而兩廡列隋唐以降刺史八人

覽秀亭

在南充縣寶臺山輿地紀勝為鄉士期集題名之所明統志在縣西七里

五友亭

在南充縣

清居山輿地紀勝游丙題云明月清風為道友古典今文為義友孤雲野鶴為自在友怪石沅水為

娛樂友山果橡栗為相保友是五友者無須臾不在此間也

清風亭

在府城西擬峴

亭在廣安州西二里
宋張商英有詩
集芳亭在廣安州北輿地紀

里有姚子望者隱居不仕
必力致之因作亭曰集芳
熙寧中黎統為之記有

張天覺詩
東坡帖
戲仙亭在廣安軍東北十里輿地紀勝

上邀月亭在儀隴縣北二十里有石數十方而
絕險上平濶丈餘可坐十人名曰邀月

臺蓬山館在營山縣大蓬山下江
山勝景為一郡美觀
芳溪館在儀隴縣南唐

元稹感夢詩十月初二日我行蓬
州西三十里有館其館名芳溪
畫卦石在南充縣東四

十里石有八卦痕
相傳為李耳遺跡

關隘衛渠關在渠縣北龍驤山明
正德中知縣甘澤建
東觀場巡司在南充縣

本朝雍正七年置今裁梨枝衛巡司在岳池縣本朝康熙

津鎮在南充縣北五里即舊縣烈面鎮在南充縣

設驛於此今裁大陵鎮在西充縣東二十里九域

平等鎮七盤鎮在蓬州界九域志相如風竇鎮在營

西三十里接蓬州界九域志縣有流江鎮在儀隴

域志縣有流江靈溪鎮在岳池縣東六十里輿地

在縣東八十里九域志岳池鄰山鎮在鄰水縣九

門鎮在縣西四十五里金山鎮在縣西十八里

太平鎮 在鄰水縣九域志 鄰水十鎮 嘉陵驛 在南充縣東舊為水

驛今 龍溪驛 舊在蓬州治南明景泰中移於州城西嘉靖中又移於大竹縣 盤龍

驛 在廣安州南明嘉靖三十六年自南部縣徙置 平灘驛 在岳池縣西七

以上諸驛皆久廢

橋梁馬宗橋 在南充縣東四十里 西橋 在南充縣西三里 永

安橋 在南充縣西北五里 文明橋 在南充縣南又有桂花石橋以橋有多桂樹為治 石

佛橋 在蓬州東 望使橋 在營山縣東三十里 天橋 在儀

東南輿地紀勝龍章山有天生石橋長二丈橫駕絕崖名曰天橋 至喜橋 在岳池縣治東

相傳歐陽修自吳入蜀
喜險路至此始平因名
洄水渡在廣安州東舊名龍門渡又有羅洪

渡在州東北皆
渠江津濟處
都尉壩在南充縣南五十里
望仙橋在營山縣東三

十里相傳昔有
羣仙會此因名
觀音橋在鄰水縣南二十里
東流橋在大竹縣

東十里通梁
墊夔萬大路
萬壽橋在渠縣北十里

陵墓漢紀通墓在西充縣北四十里龍宮山下
馮緄墓在大竹縣北

縣有漢車騎將軍馮緄
靈常以二月還鄉水暴長吏民於水上祭之輿地

紀勝墓在古甯城有雙石關
馮公之墓又有沈關在縣北一里亦雙石關一鴈

日漢謁者北屯司馬左都侯府君一鴈曰漢
新臺令交趾都尉府君世稱為馮碑沈關
三國

漢王平墓

在大竹縣平池里

嚴顏墓

在儀龍縣東南與地紀勝在州北三十里

絕崖上

譙周墓

在南元縣北又有廟在縣北十里

晉陳壽墓

在南元縣南五

里

唐程大虛墓

在西充縣東十里岷山下

南北朝陳侯瑱墓

在西

充縣南岷山下

宋張唐英墓

在廣安州東岳門山下初墓雙流紹聖中其子庭玉徙居

廣安改

張廷堅墓

在廣安州北

安丙墓

在廣安州南五十里

何涉

墓

在南充縣北琉璃鎮西

元張大悅墓

在縣北三里

明陳以勤墓

在南充縣西樓樂山下

陳于陞墓

在南充縣西金泉山

廟宇忠祐廟

在西充縣東化鳳山上祀漢紀信

濟遠廟

在渠縣北二里祀漢馮緄

張桓侯廟

在渠縣東北八澧山
又鄰水縣東亦有廟

陳壽廟

在南充縣西二里

顏魯公祠

在營山縣東
北大蓬山

謝自然祠

在南充縣西金泉山

王文

正祠

在蓬州西祀
東州守王旦

利應廟

在西充縣北
山祀宋忠臣王雲

陳大

學士祠

在府治內祀陳以勤
及其子于陞明勅建

永濟廟

在儀龍縣西
大儀山勅封

忠應王土主張公之神宋紹興間勅賜永濟廟額
天旱官民謁禱即應縣令柳天植題額曰應宿仙

班

寺觀西禪寺

在南充縣治西宋賜
額真如明改今名

資福寺

在西充縣東唐圭峯

禪師說法於此

廣慈寺

在蓬州東宋建
靈鷲寺

在營山縣東六十
里宋乾道初建

崇福寺

在儀隴縣治西
宋紹興中建

觀音寺

在郟水縣明葉
布賢隱此讀書姜

山寺

在廣安州西姜
山唐禧宗時建

淨居寺

在廣安州東
元至元間建

南峯寺

在廣安州西宋張商英有詩孤雲飛遠岫
落日滿平川寺接南峯項僧傳北祖禪

大聖寺

在岳池縣治南
宋嘉定間建

祥符寺

在渠縣東一里舊志
汧江寺宋大中祥符中改今名

元妙觀

在南充縣治西
宋治平初建

青霞觀

在南充縣西金
泉山有步虛臺降

真觀

在西充縣南十五里相
傳唐陳太虛修煉處

延真觀

在蓬州治東
宋宣和初建

龍泉觀

在岳池縣東八十里明統志相傳宋太祖
微時嘗過此因渴掬劍於地泉水湧出因

名東觀

在岳池縣西明統志相傳呂洞賓嘗過此
留宿夜多蚊畫一幅幅於楹間至今此地

無故

名宦漢第五倫

長陵人明帝時為右渠令顯拔鄉

晉

何隨

郿縣人司空武之後為安漢令以善化民
咸知禮義廉恥去官時送吏乏食乃取道側

民芋以綿繫其處愷之

隋柳儉

河東解人高祖時妙簡良能
出為牧宰以儉仁明擢蓬州

刺史獄訟者庾達不為文書約束獄中無繫囚

唐顏真卿

琅邪人肅宗時李輔國遷上皇

西宮真卿率百官問起居輔國惡之敗蓬州刺史

崔元亮

開元中在果州刺史姚合送以

詩云騎史綠青壁旌旗度白雲劍銘生鮮色巴字
疊水文華首思仙侶疲民愛使君冷冷惟自適郡

邱有誰聞足微其際

宋朱昂

潭州人開寶中知蓬州徙廣安軍會渠州妖賊李仙眾萬人劫

掠軍界昂謀策擒之其餘果合渝涪四州民連結
為妖者置不問蜀民遂安宰相薛居正稱其能

趙繁

開寶中任刺史建學育才人多師之

印畢

桂陽人太平興國中歷蓬州縣事奉軍部

民張道豐等被誣為劫盜獄已具畢察其枉不署
贖既而捕獲正盜道豐等得釋代還引對太宗謂

曰爾能活我平民深可嘉也賜錢五萬

查道

林寧人真宗時知果州正均亂後寇黨何彥忠

擁衆不聽撫咸請發兵珍之道微服單馬數僕不
持尺刃間闕百里許直趨賊所初悉驚畏持滿外

向道神色自若諭以詔意或識之曰郎守也賊黨
聞其仁曰是寧害我者即相率投兵罷拜號呼請

罪悉給券歸農寇城順餘黨謝才盛等復起為盜城設方

畧擒送京師

葛官

江陰人真宗時知南充縣東川民報食部使者檄守資昌兩州以惠政聞

劉平

祥符人真宗時知南充縣夷人寇涓井監轉運使以平權瀘州事平率土兵三千擊走之

崔立

鄆陵人真宗時為果州團練推官後兵革官物道險乃率衆錢備舟載歸知州姜從革論

如率歛法常斬三人立曰此非私已龔鼎臣須城罪杖爾論奏詔如立議時改大理丞龔鼎臣人仁

宗時知梁州渠故僻陋無學者鼎臣請於朝建廟設學選巴子為生日講規立課試法人大勸始有

繪像祀之即人折繼閱使時值元吳及繼閱招輯歸

業者三邵伯温洛陽人徽宗時知果州請罷歲輸千餘戶

民虞允文仁壽人紹興中知渠州中書舍人趙達力薦允文召對極論四川財賦料納之

樊上嘉王騰紹興中知果州李瞻紹興中守廣安納之活飢民甚衆

陳咸

興化人淳熙中知南充縣轉運使辟主管文字歲早稅司免下戶兩稅轉運使安節以為

虧漕計咸曰安節曰苟利於民違之不可因言今楮幣行於四川者幾虧三百萬苟增印百萬足以

補免放之數安節從之軍多濫請咸曰咸首可斷濫請不可得蜀歲收激賞勸輸緡錢民以為病咸

曩入節出歲減杜源知蓬州開禧中蜀大疫沿路二十餘萬婚杜源貧民流離死者棄屍滿野源

于龍章山作大穴以葬余玠斬水人淳祐間制置之義塚碑刻今猶存余玠使于營山屯兵聚糧

以脩元人李道傳井研人慶元中為蓬州教授吳蜀人頽之李道傳曦反道傳遺書安撫楊輔論曦

必欺曦黨以曦意背道傳道傳以義折之竟楊泰棄官歸曦平詔以道傳抗節不撓進官二等

之青神人寧宗時知果州畸零殘病民泰之以一年經費儲其贏為諸邑對減上尚書省接為定

武民歌之曰前張後楊惠我無疆段元監為順慶

蓋張義先發其端而秦之踵行之為轉運使寶祐中胡載

兵至元鑑城守虜施擇善元兵至蓬州死之劉載

榮實祐中知渠州時元兵至保險徙元劉仲達西

人大德初知渠縣作與大教閣公至正間為營山

鼎新學舍學者至今誦之令有善政在任

牛生二犢麥秀兩岐一本明王佐洪武時知岳

九穗民多懷之立善政碑杜沂真定人洪武

被徵者民請闕列其善政以聞中知順慶宅

帝嘉之遣還既還任政績益著杜沂中知順慶宅

心公正律已廉平譚思敬洪武中知大竹克

即人至今傳誦勤公事節用愛民田鐸

陽城人弘治初知蓬州興文教暇日親課諸生誦

習勸戒甚嚴儲穀以備緩急及唐午之亂軍餉民

食皆
賴之
鄧俊
源石
命首
督人
兵任
禦營
賊山
藍興
廷史
瑞署
等縣
城事
陷時
父子僉
被王

執相
對罵
賊而
死
事聞
廢子
一人

本朝上官宏基

朝邑人
順治初
知營山
縣時
供億
取

及卒
貧不
能歸
柩
李時亨
秦強
人順
治十
八年
知

享繕
城郭
招徠
人民
勞溫
良廣
東人
康熙
初知
鄰

撫綏
有要
邑以
殷富
水縣
湛深
經術
治先

教化
人歌
廖士貞
湖廣
人康
熙十
九年
知營
山縣

思不
置
貞至
渠縣
繫繫
月餘
偏以
偽職
大罵
不屈
徐盛
漢

遠浙江人康熙庚戌進士知順慶府慈惠廉明
正已率屬時有吏行水上人在鏡中之頌

人物漢陳禪

字紀山安漢人仕郡功曹舉善無惡為
邦內所畏察孝廉川辟治中從事御臨

聞其名而辟焉舉茂才時漢中蠻反以禪為漢中
太守賊素聞其名聲即時降服還左馮翊入拜諫

議大夫永寧中拜遠東太守單于懷服順帝即位
遣司隸校尉子澄有清名官至漢中太守曾孫寶

亦剛壯有禪風為州馮緄子馮卿宕渠人父煥安
別駕從事顯名州里帝時為幽州刺史怨者

詐作璽書收煥煥欲自殺緄勸煥上書自訟果詐
者所為由是知名初舉孝廉為郎中七遷為廣漢

屬國都尉徵拜御史中丞順帝末徵拜京兆尹轉
司隸校尉尉所在立威刑廷熹中長沙零陵武陵蠻

夷悉反拜緄車騎將軍擊平之轉河南尹上言中
官子弟不得為牧人職不納遷廷尉中官詎緄坐

與李膺劉祐俱輸左校應奉上疏理紀
馮允字公信

之弟清白有孝行能通尚書
善推步之術拜降虜校尉
三國漢龍兵祿字德人

先主定益州為部從事牙門將建興三年
為越雋太守隨丞相亮南征為蠻夷所害
張嶷安漢

人章武中以都尉討平山城除越夷太守政先恩
惠蠻夷降服拜盪寇將軍與魏戰沒越雋民間之

立廟王平字子均宕渠人先主拜牙門偏裨將軍
以祀建興間馬謖舍水上山平連規諫謬敗

於街亭惟平救合諸營而還丞相亮加拜參軍進
討寇將軍亮圍祁山平別守南圍張郃攻之平堅

守郤不能克領漢中太守封安漢侯拜鎮北大將
軍曹爽向漢川平遠護軍劉繁等據興勢自為後

拒魏兵退還時馬忠在晉陳壽字承祚安漢人少
南平在北境成著名迹

周仕蜀為觀閣令史及蜀平司空張華愛其才舉
為孝廉除左著作郎出補陽平令撰蜀相諸葛亮
集奏之除著作郎領本郎中正撰蜀魏吳三國志
凡六十五篇杜預薦為御史治書又撰古國志五
十篇益都耆舊傳十篇壽兄子荏符皆文詞燦麗
馳名當世謹按陳壽本傳載丁儀丁廙有盛名
於魏壽謂其子曰可覓千斛米見與當為尊公作
佳傳丁不與之竟不為立傳又諸葛亮嘗歿其父
諸葛瞻亦輕壽遂謂亮將略非長無應敵之才言
瞻惟工書名過其實壽作三國志均以私廢公道
褒譏失當有乖直閻贇字續伯安漢人傳覽墳典
筆非良史才也贇慨有大節為大傳揚駿
舍人轉安復令駿誅棄官葬駿而去為西戎校尉
司馬有功封平樂鄉侯後屢上疏直言朝廷善其
忠烈擢為漢中太守卒於官

梁侯瑱安漢人梁時累平蜀賊後

晉五州鎮溫城尋以功
封陵零郡公諡莊肅
宋成象 流江人以詩書訓
授里中事父母以

孝聞淳化中李順據郡縣象父母驚悸而死象號
泣營墓廬墓側每慟聞者咸愴虎豹環廬而卧燕

百餘集廬中禾生墓側吐
九穗遠近咸為成孝子 何涉 字濟川南充人汎
覽博古上自六經

諸子百家旁及山經地理醫卜之術無所不學仁
宗時登進士第范仲淹一見竒之辟彰武軍節度

推官用龐籍奏遷著作佐郎管勾廊延路招討使
機宜文字時元昊擾邊軍中經畫涉預有力累官

司封員外郎涉長厚有操行事親至孝平居未嘗
談人過惡所至多建學館勸誨諸生雖在軍中亦

嘗為諸將講左氏春秋狄青之徒皆橫經以
聽有治道中街春秋本旨盧江集七十卷 何羣

字通夫西充人嗜古學喜激揚論議慶歷中石介
在太學羣亦自蜀至介館羣於家使弟子推為學

長羣愈自刻勵著書數十篇與人言未嘗下意曲從同學目為白衣御史嘉祐中直龍圖閣何刻襲

其行義賜號張廷堅字才叔廣安人元祐進士歷安逸處士官樞密院編修文字坐折簡

別鄒浩免徽宗初擢右正言與鄒浩龔夬江公望常安民任伯兩皆在諫列一時翕然稱得人在職

逾月數上封事訟司馬光呂公著之賢薦蘇軾蘇轍可用忤旨徙為郎蔡京欲引為已用廷堅不肯

往後遂列諸黨籍紹安堯臣渠江人徽宗時上書興初贈直徽猷閣論燕雲事乞杜塞邊

防務守舊好徽宗然之命游仲鴻字子正南充人以官後竟為奸謀所奪淳熙進士歷知

中江縣紹熙四年赴召趙汝愚在樞密謂仲鴻直諫多聞訪以蜀中刊病汝愚欲親出經畧西事仲

鴻諫而止光宗久不朝重華宮仲鴻遺書汝愚陳宗社大計改監登聞鼓院會朱子以論事去上疏

願亟還之後知嘉定府擢利州安丙字子文廣安人淳熙進士

路提點刑獄乞休去謚曰忠

歷知大安軍有惠政以誅吳曦功授四川宣撫使

遷知潭州紅巾賊張福等叛四川大震詔起丙為

安撫使擒福斬之進少保游以字景仁仲鴻子嘉

卒謚忠定所著有晶然集

似乃撫太宗事以陳淳祐二年拜右丞相兼樞密

使十上章乞歸不許黎醇廣安人慶歷進士朝議

進爵國公卒贈少師黎醇大夫英宗以蜀士為問

歐陽修對曰文行蘇洵經術黎醇嘗知眉州蘇軾
作遠景樓記稱其簡而文剛而仁明正而不阿久
而民益信之明范循南充人永樂初進士授御史陞貴
州僉事耿介直朴克持憲紀有古
人風楊純鄰水人成化中進士任監察御史巡撫貴
州斷決如流任滿百姓乞留一年上許之

民諫曰鄰水陽但願年年巡責陽貪汚畏法
單民安康陞陝西副使去之日蔡獠逃道攀留石天

柱字李瞻岳池人正德進士歷都給事中武宗北
巡欲幸宣府天柱刺血書疏以進遂止尚書王

瓊欲殺都御史彭澤天柱力白其無罪瓊怒中旨
出為臨安推官嘉靖初詔復前職尋陞大理寺丞

任瀚

字少海南充人嘉靖進士廷對獻替剴切天
子親題其制策名動天下與羅洪先唐順之

相上下已而自吏部主事補春坊司直兼翰林院
檢討引疾歸瀚少懷用世志既家居研究六經闡

明理學晚潛心於易深有陳以勤字逸甫南充人
所得為古文有西漢風嘉靖進士授檢

討陞洗馬侍講讀於穆宗潛邸九年啟沃最多穆
宗立手詔以禮部尚書兼文淵閣大學士上謹始

十事又陳時務因循之弊見同僚多黨比力疾求
去進太子太師吏部尚書馳傳歸家居十年卒贈

太保 張鑑

文瑞

而充人嘉靖進士初授會稽知縣有治績擢御史出守建寧歷陞山西按

察使巡撫山東政為諸省最引疾歸用薦起總督釋儲八年夙弊盡革卒時囊無一金所著有皇極

經世行義賦後法

王廷

字子正南充人嘉靖進士授御史疏劾吏部尚書汪

欽謫亳州判官歷蘇州知府有政聲累遷戶部右侍郎兼左僉都御史總督漕運巡撫鳳陽諸府時

倭寇未靖廷建議以江南屬鎮守總兵官專駐吳淞江北屬分守副總兵專駐狼山遂為定制遷左

都御史隆慶初中官許義扶刃脅入財為巡城御史許學道所笞羣璫伏左掖門外邀擊學道廷上

其狀論戍有差尋以忤高拱斥為民萬歷初四川巡撫曾省吾言廷守蘇州時人比之趙清獻直節

勁氣始終無改宜復官詔以故官致仕仍以高年特賜存問卒謚恭節

何子明

南充人嘉

晴乙丑進士。庶仕錢塘。砥節礪操。不阿權貴。四年。召為御史。多所彈劾。尋遷廣東。僉憲龍門。從化賊倡亂。新寧盜鼓噪。從之。勢猖獗。當事者計莫知所出。子明時。以少參投節。鉞招撫之。不煩甲冑。不肆殺戮。且嚴督將裨。非生擒不作功。由是人無倖陳功渠魁。授首。及紀平寇績。晉憲副。而子明已卒。陳于陞。字元忠。以勤子。隆慶進士。授編修。歷侍講學士。擢禮部尚書。請修國史。備一代紀載。詔為副總裁。及入參大政。疏陳親大臣錄遺賢。獎外吏核邊餉。儲將才。擇邊吏。六事。優詔答之。帝以軍政大察斥言官三十餘人。于陞申救。至再。俱不納。累官文淵閣大學士。進太子太保。謚文憲。王德亮。廣安州人。萬曆進士。擢兵科給事中。甫半載。章數十上。皆邊訪大計。歷戶工二科。上籌畫邊餉。議極陳採木礦稅。及播州用兵之害。格言國計。匱乏之由。尋以爭國本。足杖除名。後起。至戶部侍郎。

黃輝

字平倩，一字昭素，南充人。幼穎異，稍長，博極羣書。年十五舉鄉試，第一。登萬曆進士，授編

修。時同館推陶望齡、董其昌而輝與齊名。官終少詹事。

楊文岳

字斗望，南充人。萬曆進士。

崇禎初，歷官右副都御史、巡撫。登萊十二年擢兵部右侍郎，總督保定、山東、河北軍務。十四年，李自

成陷洛陽，詔文岳赴救，困於汝寧，被執大罵不屈。死賊，以其死忠，備禮歛之。其後里人易棺改歛，顏

色如生。

本朝乾隆四十年，賜諡忠烈。

張鵬翼

西充人。崇禎中，由選貢授銜，陽知縣。

張獻忠逼銜州，巡撫監司以下皆遁。鵬翼獨守空城，城陷，脅降。戰髯，誓賊賊，怒而投諸江。妻子赴水

死。本朝乾隆四十年，

賜諡忠愍。李含乙

梁縣人。崇禎中，官至兵部侍郎。里居舉義。

兵討張獻忠，不克而死。本朝乾隆四十年，

賜諡忠烈。李儲乙

崇禎庶年舉人，任監

紀推官弟李舍乙戰死備乙率餘衆守渠
縣獻賊偽都督張恭來寇被執不屈死
李乾德

字雨然西充人崇禎辛未進士累官徧沅巡撫蜀
亂奉命聯江上兵將恢復地方時賊據滇黔稱王

一時靡然從之無敢一言抗犯乾德獨拒不從書
詞凜厲後被執載舟中不食者數日屆月波澤與

其弟升德俱赴水死
本朝乾
隆四十一年
賜諡忠節

本朝趙心抃

字清章西充人願鄉薦任山西太平知
縣擢兵科給事中章數十上皆闕國計

條陳蜀省事宜尤中時弊解官歸杜門却
掃鄉人忿爭者輒婉言開導多所感悟
郭榮貴

字仲禹渠縣人明末率寇蜂起榮貴首倡義率弟
榮高及族里數千人築砦大斌山為保障計會賊

吳應元驅衆二萬焚掠鄰水大竹將至渠榮貴詭
詞約好乘機格殺應元並左右數十人餘衆驚潰

順治戊子秋賊楊秉帥眾數萬據禮義城與弑山對壘相持一戰榮貴間走成都謁巡撫李國英請

為前驅國英遣總兵盧光祖馬化豹統

大兵從榮貴破之東北二道始入版圖陳瑋

治辛卯舉人會多盜率鄉勇保障地方歲飢與弟

璋設場散粟存活甚眾後知湖廣襄陽縣以賢能

著弟與璋同舉于鄉知河南高儀坤

郎城縣著有四書彙解行世高儀坤

治甲午舉人知浙江羅為賡

平陽縣卒官有惠政羅為賡

豐縣豐人德之馮天培

後以行人致仕馮天培

有賢聲詳漳黃世臣

州府名宦黃世臣

經學與諸生相切劘遷

江南來安知縣有治績陳辰

丁酉舉人知山東鉅

野縣以蒲昌迪渠縣人順治丁酉舉人知山東鄆城縣擢知山西絳州皆有治績

彭際盛

字於斯南充人康熙六年以明經知河南武陟縣有治績楊若楹儀龍人嗣

叔純道姚黃賊亂執純道至達州若楹馳赴賊營請代為賊所殺湯輅字居易渠縣諸生父

母相繼歿未葬山賊擁至乃盡出家資於戶外泣請曰幸持去勿驚吾親賊為之動共相戒不入其

廬于前營山人性至孝母病湯藥必親嘗跪進達旦不寐如是者三年憂劬所積一日

伏母枕先逝里人哀之

列女漢趙萬妻趙娥

名渠縣人漢末鄉邑避黃巾寇萬有足疾難行娥掖之萬為賊

所殺欲河娥不從賊以矛指之娥殊身當刃貫胷而死明趙允昂妻趙氏南

人歸允昂四載昂卒趙自縊詔旌之又同縣王朝
卓妻明氏年十八而寡守節六年為流賊所獲明
大罵不從賊怒寸斬之靖難時有姚氏者闔門盡
節龐岳妻張氏年十五夫亡撫孤祖姑年九十姑
年七十奉養以終張寧陽妻馮氏媳文氏兩世以
節孝聞謝彭年妻李氏夫亡以刀截耳誓不通人
舉人冉維妻馮氏夫亡守節杜瓊妻
黃氏夫亡撫孤流賊之亂自縊死 趙子高女 名
秀西充人同父母避賊至南部寶馬井賊欲叛以
行女即投崖不死賊又爭取之遂投水與其母相
繼死事聞旌表又同縣劉景妻安氏高道妻李氏
庠生李大年妻李氏樊秉亮女陳康女皆遇賊不
屈死平陽令高儀坤妻陳氏值姚黃賊之亂夫婦
被執道經祖塋嘆曰受辱如此何以生為並觸石
死張奇策妻杜氏避亂張村溝賊至不辱賊怒斷
臂死諸生任某妻黃氏避亂山中遇賊不屈死其

弟親臣亦死知州唐通經妻李氏夫亡嚙指自誓
詔旌之王味龍妻楊氏夫亡遺腹生子撫之成立
子卒又撫其孫以壽終張騰霄妻陳氏撫子文淵
登進士歷官雲南叅政贈恭人建坊旌表陳韶妻
張氏夫亡撫子奇學奇蘊成立俱入庠康生吉旭
妻馬氏守節養姑姑病割股以進教子頤真成立
膺鄉薦庠生何達光妻斯氏夫亡撫孤顯應成立
食餼庠生王進善妾鄧氏夫亡守節事長婦以禮
遺孤選登薦年九十始卒庠生馬雲官妻陳氏高
似孀妻王氏陳輔聖妻杜氏均以夫亡守節養姑
撫子先後旌表崔大能妻何氏隆慶間得以節孝
旌表庠生劉沛然妻李氏善畫工詩夫亡毀容以
誓

王杰妻盧氏 蓬州人值流賊之難避於雲山岩
被賊執欲污之盧大罵奪刀自刺

死又同縣庠生崔之茂母子流賊之
亂同子逃雲山岩賊破岩母子墜岩死楊凌曦妻

侯氏 營山人 鄆藍賊攻縣 氏携女蕙英避叢葦中 為賊所獲 母女罵賊 死 事聞 旌表 又同縣李

登女 登患心疾 女矢志不嫁 紡績自給 孝養終身

王台女 許聘蓬州賀姓 未嫁 賀卒 女割耳自誓 奉

父母以終 王猷母某氏 侯旬母蘇氏 顧應聘妻王

氏 庠生王定妻羅氏 俱以夫亡守節 先後旌表 庠

生王昱妻李氏 夫亡遺二子 長昌 印娶羅氏 次繼

印娶李氏 賊亂避山中 賊搜獲之 姑媳三人同聲

罵賊 死 李乾道妻某氏 乾道以孝聞 早卒 氏矢志

守節 教子義 方有司表其節 孝生員李晟 妻子氏

避亂 岩中 賊劫 若不辱 死 生員王辰妻 囊氏 夫亡

守節 值姚黃賊之亂 自縊 死 李任明 妻子氏 貢生

自密 女生子甫 彌月 夫死 子繼 瑒 氏痛 哭曰 吾夫

無子 何以生 為以頭觸柱 死 李永慕妻 李氏 夫死

撫子 成立 娶廖氏 子亡 借 羅烈女 儀隴人 年十五

抱撫 孤 成名 俱以壽終 未字 鄆藍賊破

城女父與縣令俱被執女給曰官為一邑之主父
為一家之主汝釋之吾從汝賊俱釋去女投砦死
事聞旌表又同縣傅佐政妻張氏張仕祿妻何氏
楊道通妻鍾氏均以節孝旌表指揮吳某妻王氏
兵部主事王德光女嫁期月夫亡撫遺腹子伯成
成立襲父職傅佐靖妻田氏守志撫孤孝養翁姑
庠生何潔誠妻侯氏夫亡撫孤長所讓登崇禎癸
酉鄉薦次所謙入庠席存仁妻王氏楊若栢妻張
氏張如輝妻楊氏張景運妻李氏烈女
支氏均以流賊之亂為賊所獲不辱死 王 璿 妻 陳
氏 廣安州人夫亡守節沉賊據廣安欲奪
氏志氏剪髮毀面刺一目以誓賊乃止 石 氏 三
閨 岳池人父母早喪遺弟天柱三女交誓不嫁且
撫且教天柱登進士建碑旌表又同縣奎烈女
正德中為賊所獲不辱赴水死 鄒東浩妻劉氏流
賊入川不屈死石孝女父母早亡誓不適人撫弟

瓊成立事
開旌表 何玉妻李氏 渠縣人正德中鄆藍賊入
境氏負幼子奔江許賊追

及給以好言氏大罵不從遂負子投水中又同縣
羅汝傑女松貞藍鄆賊陷城東家潛於白石洞賊

攻洞執貞欲犯之罵不絕口遂投崖死事聞旌表
唐宥妻李氏賊陷城被執以刀磨李頸李厲聲罵

曰賊奴我豈從狗彘乎賊怒殺之事聞旌表王某
妻陳氏夫亡孝養翁姑歷四十年天順年間旌表

千戶吳旻妻姚妙清旻卒撫孤成立弘治年間旌
表進士楊方隆女嫁甫一期夫亡守節長齋繡佛

數百軸以資冥福年八十而終陳政妻胡氏字妙
善年十八歸政政卒自縊死許景閨女錦綉正德

間鄆藍賊寇渠罵賊死事聞旌表良壽妻吳氏仲
禹女壽病瘖瘕吳氏事之維謹沉賊入欲奪之吳

抱幼子赴水死燕化鳳妻來氏別廷可妻李氏均
夫亡守志庠生李高魁妻陳氏夫亡守節食貧自

廿長子儲乙舉鄉薦次子舍乙成進士歷兵部侍郎年七十有五卒舍乙妻王氏崇禎末與姊同日歸舍乙獻賊寇川舍乙舉義兵討之死難王與姊携十子二女匿山中賊破渠王及七子被獲罵賊曰我朝廷命婦鼠輩敢無禮耶賊怒欲刃之罵益厲受數十創死七子及親族三十餘人皆遇害金蓮失其姓陳其珍婢也賊破渠金蓮負其珍幼子以逃為賊所獲賊脅之不從將殺之金蓮以身蔽之受數創終不移賊乃捨去金蓮死幼子得生郭玉安妻李氏隨夫避難為賊追及李携子女赴水死王貞女未嫁而夫卒馮天開妻陳氏大竹人夫將改字之不從自縊死

周五女

鄰水人年十四喪父奉母不字後遇姚黃賊之亂舉火自焚又同縣陳氏彭氏姑媳

雙節同時旌表庠生侯世延妻吳氏夫亡守節

本朝孝廉冉存異母馮氏

南苑人夫世維官死貴陽馮扶視還里安葬如儀教

子登賢書方伯金公旌其門曰白髮米霜太守李公旌曰閨中穢漢紳士公請入志女年十九適江

津舉人程于淳甫半月淳公車北上奴謀殺於道冉間闕千里泣陳有司執奴論如法氏守貞不改

歸養寡姑撫姪承桃苦志五十一載人稱世節云又同縣孝廉許大用母王氏夫喪年甫二十七歲

教子成名六十方終紳士公請入志又殘天衢妻楊氏夫卒年二十遺孤襁褓氏堅誓撫孤豪右不

敢奪幾歷寇亂卒教子有孚成明經士民咸稱之年七十五卒又青明妻任氏年十六適明年十九

明故家無尺童且未有出氏矢志守貞豪右欲奪其節氏斷髮自誓奉姑張氏至孝值獻賊亂大飢

民糠粃自厭以甘旨事姑及歿累土以奠盡哀至五十八年猶力作自給鄉評重之又馮碧妻張氏

母病氏夜私禱天地持刀割股得肉少張應捷妻何
許嫌不足連割二次和藥進母始痊

氏西充人年二十夫歿何依孀姑獻賊掠西充執
何欲汚之不從引頸就戮賊怒斷其手何昏絕

賊去復甦苦節六十載年八十終又同縣張尚選
女年二十遭獻賊之難舉家被執賊給女以甘言

女罵不絕口死之又楊勝任妻龐氏庠生龐可述
女任早卒龐年二十六遺孤三月龐柏舟自矢撫

孤成立年七十八終又庠生李鍾林妻張氏孝廉
張時粹妻早卒張年二十遺孤徐方三月張貧苦

自甘佺病篤幾危張痛哭告天求延李氏嗣佺得
愈人咸以為苦節所感云又庠生馮昌運妻何氏

年二十夫亡遺子甫一歲又值兵燹頻仍守節撫
子成名歷盡艱難堅霜不渝縣令旌之曰冰雪松

筠又蒲綸妻陳氏綸故陳二十無子矢志守節四
十餘年縣令旌之曰柏舟勁節渺為模妻李氏夫

諸生歿後值寇亂李携子舉斯避亂山中教育勤
劬順治甲午舉斯膺鄉薦旋卒又撫孫翼成立年
近九十而卒又段鍊妻李氏夫亡子夭鄉里欲奪
其志毀容以拒之又侯甸妻蘇氏年十九而寡李
事舅姑撫夫幼弟皆相繼卒蘇隻身營葬值兵燹
家益貧志堅不少易又龐之望妻陳氏望卒陳年
十八遺孤一歲撫育成立事姑任氏甚孝良應妻
姑屢病割股者三以孝節聞年七十餘卒
趙氏蓬州人值寇亂闔室逃散姑被賊追溺水趙
後至亦沈水死又同州生員熊起麟妻廖氏
生員廖宗映女事孀姑謹慎紡績供音十數年無
倦姑病割股以進遂愈一時公議請旌氏止之
玉樹極妻劉氏梁縣人獻賊破梁為賊所獲將驅
以行劉給賊取金帛得間自沈於

江又同縣王某妻楊氏許字未嫁父母以王貧欲
改字之女曰素何以盛衰易節飲泣數日遂投繯

死又廣安鄭大叔妻程氏夫歿觸地不死閱三月
閉戶自經又劉宗現妻李氏夫病許以身從死及
卒李營葬事心殊坦然入以為將更嫁者遂有人
來謀娶李從容葬夫畢遂自縊死里人為文以祭
之聞者莫不淚下又黃應朝妻雷氏夫與賊戰死
雷少年守志教其二子皆補弟子員縣令旌之又
黃政戎妻雷氏夫故養其孀姑張氏以孝聞苦節
四十年教其子黃纘黃宗補弟子員年六十始卒

貢生劉時儂妻徐氏

營山人儂奉憲檄招安土寇
楊問奇被害徐年二十餘無

子撫胞姪旬龍為嗣堅冰自守後旬龍登甲午鄉
薦事平徐偕子赴巡撫李國英報冤問奇伏誅上
官賜扁旌節年六十終又儒童侯旬妻蘇氏營山
人旬故年十八矢志不嫁勤紡績自給其身苦節
二十一年毫無異志事聞旌表又同縣監生于之
驥妻陳氏之驥入太學肄業歿于京邸氏聞引刀

自刎死事任之銘妻杜氏西充人又樊謂妻龐氏年二十六歲均以夫亡

守節乾隆年旌表 斯永福妻永氏西充縣人夫亡守志乾隆年間旌表

龔締勝妻李氏營山人又蔡績祖妻姜氏馮朝選妻鮮氏均以節孝聞乾隆年間

旌表 貢生廣振繼妻楊氏渠縣人年二十四歲夫亡守節又李祖烈妻段氏劉

濬妻蒲氏余元妻宋氏生員燕竹妻盛氏皆夫亡守節符賓萬妻劉氏被夫兄逼嫁自縊身死劉國

休妻周氏因陳受一調姦未成羞忿自縊均於乾隆年間旌表 尹萬年妻王氏

天竹縣人又黃德馨妻蔡氏鍾靈妻孫氏生員朱其贊妻李氏楊雲睽妻李氏又黃章稜妻何氏又

周紹旦妻王氏白為迷妻彭氏張世柱妻甘氏楊奇福妻李氏胡泰治妻蒲氏均以守節撫孤聞於

乾隆年間 副榜鍾士槐妻梅氏 鄰水縣人 又劉宗
旌表 書妻陳氏 曹開勳

妻甘氏 李成松妻姚氏 楊伯元妻任氏 彭加壽妻
包氏 甘明宣妻李氏 皆以節孝著 又烈女邱清姑

因楊繼如圖姦不從 致殺身 陳全五妻何氏 岳池
死均於乾隆年間 旌表 人夫

亡守志 乾隆
年間 旌表

仙釋袁天罡 居朱鳳山 修謝自然 貞觀中女冠也
煉丹井尚存 嘗泛海將詣蓬

萊見道人指言天台山司馬子微名在丹臺身居
赤城真良師也 自然乃回師子微得道術於金泉

山白日上昇是夕郡郭有 爾朱洞 少遇異人得道
虹電雲氣之狀 萬目共覩 唐懿德間抵蓬

州客安漢館張氏十二年郡刺史以為惑眾命縛
沈于江二漁人得之釋其縛三人白日昇天而去

程太虛

西充人自幼學道隱居南岷絕粒有二虎侍左右一夕大風雨砌下得白玉印每乞

符祈耳印以授之輒獲豐稔元和和中尸解去宋賜號道濟大師

土產鐵

後漢書郡國志宕渠有鐵唐書地理志濟山縣有鐵寰宇記渠州產鐵呂絲絹唐

地理志果州黃絹絲布蓬州渠州黃綿綢寰宇記廣安軍產絲布明統志南充蓬州廣安渠縣俱出

絲鹽唐書地理志南充有鹽黃柑方輿勝覽明統志各州縣俱有鹽井

藥

唐書地理志渠州貢藥實寰宇記果州產巴戟天大黃又雜文草五月採治婦人因產破血山

大莖八月採療急風寒又渠州產車前子茱萸廣安軍產牡丹皮又南充縣出天門冬買子

木實

唐書地理志樂州出冬青蠟元統志出營山縣蘭蕙元統志出大小蓬山

紫梨

出廣安州入口
即化者為佳

欽定大清一統志卷三百


叙

州

府

固

叙州府圖



叙州府表

叙州府	兩漢	建元六年 置漢漢縣	叙州府
三國漢			
晉			
宋齊	犍為郡	移治	
梁	戎州	大同十年 改置	
魏周	戎州		
隋	犍為郡	大業初置	
唐長	戎州南溪郡	武德初復 置州貞觀 四年置郡 曰南溪 屬南溪 郡元初 屬南溪 郡	
宋	叙州南溪郡	咸和四年 置州名咸 淳三年徙 置南溪 屬南溪 郡	
元	叙州路	至元十八 年升路	
明	叙州府	洪武六年 改府屬四 川布政司	
宜賓縣	犍道縣	犍為郡治 犍漢屬	
宜賓縣	犍道縣	犍為郡	
宜賓縣	犍道縣	郡治	
宜賓縣	犍道縣	州治	
宜賓縣	外江縣	周保定三 年更名	
宜賓縣	犍道縣	大業初復 置南溪 郡	
宜賓縣	犍道縣	州治貞觀 中移治會 昌十八年 置南溪 郡	
宜賓縣	宜賓縣	太平興國 元年更名 熙寧四年 省	
宜賓縣	宜賓縣	復舊治	
宜賓縣	宜賓縣	府治	

青一五七

名屬州

宣化縣

宣和初置
屬州

宣化縣

屬州
元貞二年
置藩戶府

省

歸順縣

聖曆初置
屬州

乾德中省

開邊縣

開皇六年
置屬城為

開邊縣

貞觀四年
置南通州

乾德中省

八年改置
州秀麻以

屬州
上元初縣

廢
廢永泰初

復置

商州

和更名後
廢

咸亨三年
置州屬縣

開元中復
置屬州廢

羅蒙州

	慶符縣	
	漢陽縣 居捷高莊 都尉治	
	漢陽縣 賈漢陽即 壽觀	
	漢陽縣 居朱提郡 常廢	
置	竊屬州 天寶中移	貞元二年 為竊屬州 領敘川東 公魏原等 川省川五 縣屬戎州 都督府使 隸然州都 督府
州	慶符縣 初為叙州 和二年建 假外地理 和二年建 祥州及慶 符索附二 通州八年 并三屬置 年州廢管 屬叙州	開建縣地 貞元四年 置石門東 二縣五 年入新石 門置鹽泉 縣俱屬南 通州八年 并三屬置 無敘州屬 來附入之 初石入義 實
廢	慶符縣 屬敘州	
	慶符縣 屬敘州府	

富順縣 南溪縣

江陽縣地 雙蓮縣地

南廣縣

南廣縣 雲縣 川置東黃 洛康郡

南溪縣 雲縣 康郡屬漢 川郡

南溪縣 雲縣 屬漢州貞 唐二十三年更名又 德四年置 九年州

南溪縣 雲縣 屬漢州貞 唐二十三年更名又 德四年置 九年州 初置我州 貞觀中徙 長慶中徙 治會昌初 又徙

南溪縣 雲縣 屬漢州貞 唐二十三年更名又 德四年置 九年州 初置我州 貞觀中徙 長慶中徙 治會昌初 又徙 乾德中移 治屬叙州

南溪縣 雲縣 屬漢州貞 唐二十三年更名又 德四年置 九年州 初置我州 貞觀中徙 長慶中徙 治會昌初 又徙 乾德中移 治屬叙州 屬叙州府

富順監 富順州 富順縣

乾德四年 置富順監 太平興國 初更名屬 清川必嘉 州屬叙州 熙初廢 復置成淳 初徙治虎 兩山

廢縣為監 治平初 置富順縣 熙寧初罷

降縣屬叙 州府

屬叙州府

洪	筠連縣	高縣
	南廣縣北	南廣縣北
梁州刺史	南廣縣北 龍加平清 坎六縣屬 茂州都督府	南廣縣北 龍加平清 坎六縣屬 茂州都督府
梁州刺史 唐屬南寧	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府
上羅計	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府
洪縣	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府
	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府
	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府
	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府
	南寧府 龍加平清 坎六縣屬 茂州都督府	南寧府 龍加平清 坎六縣屬 茂州都督府

縣

南廣縣
屬龍南郡

南廣郡
北齊置

南廣縣
屬朱提郡
元帝時嘗
為朱提郡
治春龍
又為南廣
郡治

南廣郡
南廣縣
郡治

蠻麻

開皇四年
置南州大
業初廢入
開遠縣

郡
保順二年
置先天初
初改臨慶
州領寧樓
加樓波安
州領普府
五縣屬瀘
州

羈康州
武德初置
領安東西
安明津三
縣屬州
都督府

長官司
是元十三
年置屬叙
州南寧縣
司明玉珍
改興州

初降州為
府
屬叙州

大青一先志

四

州

領臨將從

領北三

屬代州

都督府

海州黃池

蘇州

郡

為六等注

俱取初置

州先天初

降蘇州

領北州黃

池相陵三

屬蘇州

都督府

竊廢

思州

州

天授初置

領多溪洛

漢二縣屬

蘇州都督

照洋後廢

蘇

廳波雷 廳邊

馬湖縣地

馬湖縣
屬雷波

馬湖縣地

至元中置
雷波長官
因屬馬湖

洪武二年
六年為
縣屬平山

